

Sutra djelimično pomračenje Mjeseca



Djelimično pomračenje Mjeseca moći se posmatrati u noći sa 16. na 17. jula iz većeg dijela Evrope, Azije, Afrike i Južne Amerike.

Zbog nestabilnog vremena Astronomsko društvo Orion neće organizovati javno posmatranje tog fenomena, ali preporučuju svima da sutra pogledaju u nebo i uživaju u prizoru ukoliko to vremenske prilike budu dozvoljavale.

Ulazak Mjeseca u polusjenku u BiH očekuje se u 20.43, a ulazak Mjeseca u sjenku u 22.01 sati.

Pomračenje nastupa kad prirodni satelit uđe u sjenku Zemlje i kada se Zemlja nađe tačno između Mjeseca i Sunca.

Mjesečeva pomračenja su rjeđa od sunčevih, ali se zbog veličine sjenke Zemlje mogu uvijek vidjeti na gotovo cijeloj polukugli gdje je noć.

Pomračenje Mjeseca je bezopasno i može se gledati golim okom, dvogledom ili manjim teleskopom.

Tokom tog pomračenja bit će pomračeno oko 65 posto mjesečevog diska, saopćeno je iz Astronomskog društva Orion.

(fena)

Date: 15-07-2019